



ԵՐԵՎԱՆԻ ՔԱՂԱՔԱՊԵՏԱՐԱՆ

ԼՐԱՏՎՈՒԹՅԱՆ ՎԱՐՉՈՒԹՅՈՒՆ

ՀՀ, 0015, ք. Երևան, Արգիշտի 1

հեռ. +(374 11) 514-240

№ Հ/1643

04-08-2025

«Հետաքննող լրագրողներ» ՀԿ-ի «Հետք» թերթի լրագրող Տիրայր Մուրադյանին

Հարգելի՛ Տիրայր Մուրադյան,

Ի պատասխան Ձեր հարցման՝ հայտնում ենք հետևյալը.

«Հետք»-ի հարցման մեջ ընտրողաբար անդրադարձ է կատարվել միայն Irrigate ընկերությանը՝ անտեսելով քաղաքապետ Տիգրան Ավինյանի կենսագրությունում առկա աշխատանքային փորձը՝ մոռացության մատնելով Տիգրան Ավինյանի գործունեությունը մինչև պետական ծառայության անցնելը:

Տիգրան Ավինյանը դեռևս 2017 թվականին լինելով 28 տարեկան և չգբաղեցնելով պետական որևէ պաշտոն՝ հայտարարագրել է շուրջ 30 միլիոն ՀՀ դրամ եկամուտ (դրլարի փոխարժեքը [2016-2017](#) միջինացված) : Կից՝ հայտարարագիրը:

Տիգրան Ավինյանի՝ 2014 թվականին Միացյալ Թագավորությունում ուսանելու ծախսերը, այդ թվում՝ ուսման վարձը և կեցությունը, ինչպես նաև կնոջ Լոնդոնում ուսանելու ժամանակ նրա կեցության հետ կապված ծախսերն ամբողջությամբ հոգացել է Տիգրան Ավինյանի ընտանիքը: Նույնը վերաբերում է եղբոր՝ Իսպանիայում ուսանելու ընթացքում վարձավճարների և ապրուստի ծախսերին:

2017 թվականին քաղաքապետը և իր հայրը մոտ 80.000 ԱՄՆ դոլարի ներդրում են կատարել կրիպտոարժույթների մեջ: Հետագայում, ընտանիքին պատկանող ընկերություններից մեկը հիմնել է 1.5 ՄգՎտ արևային կայանների արտադրություն. ամբողջ էլեկտրաէներգիան ծախսվում է կրիպտո արտադրության համար: Այլ ձեռնարկություններ նույնպես առկա են, սակայն, քաղաքապետի ընտանիքի հետ առնչություն ունեցող որևէ մի ընկերություն չի մասնակցել և չի մասնակցում պետական և համայնքային գնումներին, ինչպես նաև պահպանում է շահերի բախման հնարավոր ամենախիստ քաղաքականությունը:

Ինչ վերաբերում է Շողակաթի տանը՝ ո'չ, այն չի կառուցվում քաղաքապետի համար, քանի որ քաղաքապետը նախընտրում է ամառային հանգիստն անցկացնել Սևանում՝ Նկարիչների միությանը պատկանող հանգստյան տանը:

Ամփոփելով արձանագրենք հետևյալը.

փորձ է արվում ստեղծել մի պատրանք, ըստ որի՝ Տիգրան Ավինյանն իբր մինչ պետական պաշտոններ զբաղեցնելը չի ունեցել միջոցներ: Այս միտքը համակարգային դարձած մանիպուլյացիա է: Փաստերը սակայն դա հերքում են:

Քաղաքապետը մաղթում է ձեզ հետևողական և պրոֆեսիոնալ աշխատանք:

Խնդրում ենք պատասխանը հրապարակել ամբողջությամբ՝ առանց խմբագրման, մասնատման կամ մոլորեցնող վերնագրերի: